



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Matrimonij diuina cura, tempore diluuij.

urn:nbn:de:hbz:466:1-45686

matrimonij prospiceretur, imperium penes virum est; idque & naturae, & Dei institutione, & D. Pauli mandato. Quibus omnibus renunciant, qui non tantum claves, sed etiam clavum & sceptrum vxoribus relinquunt; longeque stultissime illi agunt Iudei, qui, ut ex oculato teste scio, Neostadij, in nuptiarum die, à certa meta sponsum & sponsam decurrere sinunt. Currunt quām contentissimē ambo, & qui eorum prior ad ostium domus perueniens ianuae marculum ansamue apprehendit, apprehendit & imperium, ac omni reliqua vita alteri dominatur. Tantum est præmiū celeritatis. Hic regni acquirendi modus nō tantum podagrīcī est iniquus, & ebrijs aduersus, sed etiam diuinæ prouidentiæ manum injicit, quæ vidit, quale futurū esset regimē, si feminæ in sole scere sinerentur. Hinc viro dominium dedit. Atque hæc cura Dei, in primo statim matrimonio, sese ostendit. Virum in caput constituit, ut fæminam puniret: fæminam subiectione puniuit, ut ne dissidia nascerentur, si duo, in yna domo, regnarent. Optimum regimen monarchia.

S. Augustini
in qq.

Iratus Mundo Deus diluvium cogitabat nimbosissimē effundere. Itaque ad Noë dixit: *Vniuersa, quæ in terra sunt, consumentur. Ponamq; fedus meum tecum: & ingredieris arcam tñ, & filij tui, & uxor tua, & uxores filiorum tuorum, tecum. Et ex cunctis animantibus vniuersæ carnis bina induces in arcam, ut vivant tecum: masculini sexus & feminini, &c.* In ipsa ira misericordiae recordatus est; & ne genus humanum totum extingueretur, conseruator Vniuersi, coniugium conseruauit, atque vxorem, vñā ingredi cum coniuge iussit. Quid ni hoc hominibus faceret, qui & cunctas in arcam ingredi voluit binas animantes? easque non captas à Noë, sed sponte venientes; aut potius ab angelo cuiusque speciei custode actas? Idcirco enim ad Noë dicitur: *Intrabunt ad te. Quod si cura est Deo, de coniugio boum & mutorum animalium, quantò magis curabit, ut humana matrimonia sarta tecta conseruentur?* per quæ illi propagantur, ob quos, *ones & bones & pecora campi,* & totus denique visibilis iste Mundus est creatus? Sic Deus coniugium, non tantum in paradyso, sed etiam in diluvio fulciuit; illustri præ-

S. Augustini
lib. 15. c. 17.

II.

Gen. 6. 17.

Vu 2 sagio,

sagio, illud etiam, secuturis sœculis, inter magnas saepe procel-
las, tuendum.

III.

Gen. 12. 10.

Sed & illud est, clarissimum exemplum, quod, in Ægypto,
circa Abraham, evenit. Fama is patriam deserere est coactus;
& si illius consilia, ex humano metu profecta, diuina auxilia
destituissent, utique etiam uxorem deserere coactus esset. Ve-
rū adfuit Saræ Deus, & Pharaonem acerbè flagellauit, ne
sanctissimum coniugium vel inscius contaminaret. Iuuat ipsa
sacra verba audire. Facta est autem famæ in terra, descendens
Abram in Ægyptum, ut peregrinaretur ibi: prænauerat enim fa-
mes in terra. Cumq[ue] prope esset, ut ingredieretur in Ægyptum, dixi
Sarai uxori sue: Noni, quod pulchra sis mulier: & quod, cum vi-
derint te Ægypti, dicturi sunt, uxor ipsius est: & interficiant me, si
te reseruabunt. Dic ergo, obsecro te, quod soror meas sis: ut bene sit
mihi, propter te, & uiuat anima mea, ob gratiam tui. Cum itaque
ingressus esset Abram Ægyptum, viderunt Ægypti mulierem, quia
esset pulchra nimis. Et nuncianerunt principes Pharaoni, & lau-
uerunt eam, apud illum: & sublata est mulier in domum Pharaoni.
Abram vero bene usi sunt, propter illam: fuerunt q[ui] ei, oves & boues,
& asini & serui, & famule, & asina, & camelii. Flagellauit autem
Dominus Pharaonem plagiis maximis, & domum eius, propter Saru
uxorem Abram. Vocauit q[ui] Pharao Abram, & dixit ei: Quidnam
est hoc, quod fecisti mihi? quare non indicasti, quod uxor tua es? Quam ob causam dixisti esse sororem tuam, ut tollerem eam mihi
uxorem? Nunc igitur ecce coniux tua, accipe eam & vade. Pre-
cepit q[ui], Pharao super Abram viris: & deduxerunt eum, & ux-
orem illius, & omnia, que habebat. Hæc est historia. In qua diui-
ni consilij series, à fame incipit, quæ Abrahamum, ex Chana-
næa, coegerit in Ægyptum, ob exundationem oblicationemque
Nili, natura sua, fertilem, atque ad lasciuam Ægyptiorum ju-
uentutem descendere. Deinde, quia periculum nunquam sine pe-
riculo pellitur, cauit vita suæ Abram, quod cauere poterat & de-
bebat. Quare cum certò occisus esset, si se Sarai maritum affi-
masset, nomen mariti voluit dissimulari.

IV.
S. Ambros.
I. i. de Abram.
C. 2.

Ac licet D. Ambrosius scribat: *Sara, ut tueretur maritum,*
mentita est germanitatem, tamen reipsa, nec Sara, nec Abram
mentitus